

蒼梧縣志卷之十三

志六

藝文志

漢劉歆合諸子百家為七畧唐分四類歷代諸史皆志藝文郡邑志乘亦所在多有吾邑自陳長孫以左氏名家言經術者多宗之後亦閒有作者外則宦跡行旅攬勝攄懷各有著述我

朝稽古右文經學既明

聖教尤廣荒遠之地其文章爾雅卓有可觀志藝文

編目

蒼梧縣志

卷之十三

藝文志

編目

經史

子集

附金石

蒼梧縣志卷之十三

藝文志

經史

著述自六經而外史漢為先後世為編年倣於春秋紀傳本於尚書即史亦經也茲邑訓詁之學始於厭難龍編厥後東湖書憲諸人志乘之文亦幾不懈而欲及於古吁是足志也已

陳氏春秋 陳欽著

見後漢書

元父欽字子佚以左氏授王莽自名陳氏春秋

後漢書陳元傳

蒼梧縣志 卷之十三

藝文志 經史

二

注

春秋訓詁 欽子元著

見後漢書

元字長孫蒼梧廣信人父欽習左氏春秋元少傳父業

為之訓詁 後漢書陳元傳

左氏異同 陳元著

見經典釋文敘錄

司空南閣祭酒陳氏作左氏異同 陸德明

春秋經注十一卷 士燮著

見唐書藝文志

士燮少遊學京師事穎川劉子奇治左氏春秋補尙書
郎遷交阯太守耽翫春秋爲之注解陳國袁徽與尙書
令荀彧書交阯士府君官事小閑輒翫習書傳春秋左
氏傳尤簡鍊精微吾數以咨問傳中諸疑皆有師說意
思甚密又尙書兼通古今大義詳備聞京師古今之學
是非忿爭今數條左氏尙書長義上之具見稱之

吳錄

公羊穀梁注 士燮與賈逵何休范寧同注

見漢書藝文志

并見隋書經籍志

士燮字威彥廣信人父賜桓帝時爲日南太守燮治春

蒼梧縣志

卷之十三

藝文志

經史

三

秋及公穀二家爲公羊穀梁注

舊志節錄本傳

春秋繁露節解四卷 吳廷舉注

見經義考

吳廷舉字獻臣蒼梧人

李紱廣西通志

湖廣通志 吳廷舉纂

見天一閣書目

嘉靖元年東湖吳廷舉續纂并序

書目注

東湖奏疏 吳廷舉撰

見千頃堂書目

桂萼序畧曰大參吳先生獻臣出東湖奏疏示萼蓋其

參江西時所上事也方屬用兵飛章請報不絕於道僅
二年成若干卷芻受而讀之其布置嚴密議論詳盡若
非造次所能就者君子之論人於其言以驗其所守然
卒然之變雖號稱有守者未能不怵然以動於中先生
剛直自遂居稠人中斷不相入嘗論事觸忌諱羣小中
以奇阼瀕歿屢矣今海內夫人能道之方其在執困中
不啻桎梏而豢之羣虎咆哮之穽人皆栗然先生侃侃
不回義形於色賦詩讀易手不停披視擾擾者蔑如也
不可謂有守者乎傳不云乎非言之艱行之惟艱至其
機宜事體必合於理存乎識者非芻後生所能知也公

蒼梧縣志

卷之十三

藝文志

經史

四

屬芻序謝之再三不得命書區區之見如此而歸之

原序

西巡類藁八卷

吳廷舉撰

見四庫全書目

吳廷舉字獻臣梧州人成化丁未進士官至南京工部
尙書事蹟詳明史本傳此集乃其正德初官廣東按察
副使時巡歷省治以西諸郡所上奏疏及往來文牘詩
詞之類故曰西巡類藁明史言其發中官潘忠罪爲忠
反訐下詔獄劉瑾矯詔枷之幾死今觀此篇廷舉所上
九十疏內有劾岷王府內監陳鶴稱令旨差往廣東違
法乘驛騷擾又奏各省鹽務差內監查盤者因歛銀內

進又有人事銀以賄各衙門賀禮銀以賄司禮監此三者並科擾百姓請敕御史體察而盤查廣東鹽庫之內監韋霽將鹽課盡解京令廣東無以充軍餉其事不可行其關涉於內官者不過如此無發潘忠罪事編首有劉瑞序云逆瑾切齒於君其黨探望風旨誣奏卽械下錦衣衛獄枷吏部門左垂死而後釋之瑞廷舉同時人其言必得實然則史傳疑悞也

謝通志

三吳雜記 尹志撰

吳越游草 尹志撰

見廣西通志

蒼梧縣志 卷之十三

藝文志 經史

五

尹志蒼梧人嘉靖乙卯賢書博學工書著有三吳雜記

吳越游草

府志

蒼梧縣志 曾士揚纂

見廣西通志

曾士揚蒼梧人登天啟辛酉賢書潛心程朱之學郡邑

乘多其手輯

府志

蒼梧縣志 李世瑞輯

見通志

李世瑞字非凡邑人康熙閒歲貢著有世紀考畧圖地理輿圖記天文雜誌四卷詩文集一卷集驗醫案一卷

邑志皆其手輯 通志

四書秘旨 曾熹著

見府志

曾熹邑人乾隆庚午舉人著有四書秘旨璞齋吟藁 府志

興寧志二十卷 羅紳輯

通道志十卷 羅紳輯

見通志

羅紳字書憲蒼梧人乾隆癸酉拔貢授湖南知縣歷官

二十餘年皆以決獄明敏見稱由桂陽合累官至澧州

刺史喜文學工書善畫嘗輯興寧志二十卷通道志十

蒼梧縣志 卷之十三 藝文志 經史 六

卷 通志

以上本邑人著錄

周易謫 程秉著

尙書駁 同上

論語弼 同上

見隋書經籍志

程秉南頓人與劉熙考論大義所著有周易謫尙書駁

論語弼凡三萬餘言 舊志

國語注二十卷 虞翻著

論語注 同上

見唐書藝文志

虞翻餘姚人爲吳騎都尉徙嶺南十餘年著有老子論語國語注傳於世舊志

交州雜事九卷 劉道蒼著

見隋書經籍志

隋志注云記士燮及陶璜事通志

先朝故事二十卷 劉道蒼著

中興伐逆事二卷 同上

見唐書藝文志

劉道蒼晉時人謝通志

蒼梧縣志 卷之十三 藝文志 經史

七

蒼梧雜志 葉繼熙撰通志作胡瑾

見千頃堂書目

梧潯雜佩 張所望撰

見千頃堂書目

葉繼熙張所望皆明時人見通志

蒼梧軍門志 應欝撰

見千頃堂書目

應欝嘉靖閒督兩廣軍門謂總督府也明自成化五年

韓雍開府梧州其書蓋紀成化以後兵事凡二十四卷

參金通志 嘉靖三十二年許應元序畧少司馬括蒼應公著軍門志成授應元日子爲我序其意應元旣辭

不文不可則受而卒業歎曰嗚呼意遠矣而何其憂之深也夫兩粵者絕南夷裔之交也山海溪洞之蠻與諸郡形錯壤接並耕而爭食之保固恣睢不狎話言苟得而已不顧死亡自昔上仁之所不懷而強武之所不讐也獸集鳥散亭隧鬲塞之所不得施甲楯劍矢之所不猝備也而粵之民無歲無夷寇之賊矣故粵之夷非能為中國害也然一日不備則嶺海震蕩憲祖晰其然故開府建節宿重兵於蒼梧授大臣以不御之柄為萬世規深遠然後碩畫之老屢建夫誅討之勳薦紳大夫搃鈞深致遠之慮鷹揚爪牙之士効執訊獲醜之力士馬甲兵之盛輝赫乎遠方技擊蹶張之用便習於士伍志所云亦信矣然公顧且以為憂者何也嗟乎是乃公之所以為憂者也先王之教武也固曰勤恤民隱而除其害夫粵之用兵亟矣粵人之力屈久矣侵盜之虞有追而師旅之用無緩斯坐弊之心也詩曰彼旃旒旆斯胡不施施憂心悄悄僕夫况瘁夫旗章之盛委屬之重可以為寵已而君子以為憂也憂故慮詳慮詳故事善事善則氓庶豫氓庶豫則武節奮此勝算也故公再克敵而民不知嗟夫心之疚矣瘁豈顧問哉然是則奚用志也傳有之日采薇廢則征伐缺矣出車廢則功力缺矣杖

蒼梧縣志

卷之十三

藝文志

經史

八

蒼梧郡志

失名

見文淵閣書目

通志文淵閣書目蒼梧郡志一冊按文淵目別有郡志

二冊或即一書而冊籍不同耳

謝通志

梧州府志

明林喬楠陳鑑陳熙韶輯

見千頃堂書目

內閣書目注萬曆戊子郡守林喬楠修凡十二卷

通志

梧州府志 謝君惠纂

見千頃堂書目

自序畧曰余初令懷陽卽志懷陽也志成適以內遷行郡丞南海陳公憮然曰郡無志奈何今幸脫稿矣剗劂有靈願以異日及予浮沉大官署與守尙書郎又若而年乃被命守梧梧猶然無志也乃屬蒼梧令王君學博馬君加芟潤焉越月成乃壽之梓凡二十卷

通志

黃虞稷曰崇禎閒修

同上

梧州府志 張克修纂

見粵西文載

蒼梧縣志 卷之十三

藝文志

經史

九

桑悅序畧曰蒼梧相傳爲帝舜藏域歷漢唐至宋琥爲名郡成化初又設三府內外文武大臣坐鎮其中兩廣俱在掌握屹然爲五管之巨鎮民夷望之不啻山之王屋水之江漢也凡郡華實皆當彪采以傳諸遐而舊志脫畧文獻莫徵郡守江右之餘千張侯克修少以學行文章名聞朝野尤以名節自負由名進士歷官主事以至今職踰年政教聿興百廢就緒惟以郡志未修爲欠事今年春余以公事至梧蒙留欸者再容與閒因以茲

志爲記云

通志

梧州府志 吳九齡修

見通志凡二十四卷

梧州粵西一大都會也居五嶺之中開八桂之戶三江襟帶眾水灣環百粵咽喉通衢四達閒氣凝結人物繁興形勝實甲於他郡庚寅春余撫粵西下車伊始適觀察吳君將之任粵東郵呈其涖任梧守時重輯梧州府志彙成一編乞余一言以弁其簡端余按梧志創修於前明謝守續修於康熙二十六年陳守距今歷八十餘年檢閱舊志半多凋殘剝蝕考古按今缺憾良多夫郡邑之志雖僅一隅而其開疆域之廣狹田賦之增減風俗之淳澆人文之盛衰以及學校城垣建置異宜軍營糧餉今昔殊勢欲期垂諸永久昭示將來使夫因革損益之大條分縷晰之細簡而能該有體有要詳而曲盡不蔓不支自非博稽載籍旁求時事正其舛謬定其指歸其能萃四方之文獻成一郡之志乘哉方今 國家重熙累洽仁漸義摩薄海內外一道同風職方紀載率土皆然矧梧郡爲粵西要地可無成書以備採擇乎今觀察吳君率其僚屬暨郡邑人士不憚搜羅精於讐校缺者補之繁者刪之分門別類釐爲二十四卷閱兩載而始成因憶余幼時隨侍先文肅公之任粵東制府道經蒼梧翹望都嶠之間俯臨桂江之側緬維往迹慨然

有懷茲攬梧郡全志想像舊游宛然在目不禁狂喜移時一再流覽而不能已時公餘稍暇輒為援筆敘之如此
陳輝祖序

蒼梧縣志 張誠之輯 通志作薛誠之

見千頃堂書目

蒼梧縣志 劉以貴修

佚

自序存載今卷首

以上各官及遷客著錄

粵西疏草四卷 陳邦瞻撰

蒼梧縣志 卷之十三 藝文志 經史 士

見通志

兩廣奏疏十六卷 葉盛撰

見千頃堂書目

督撫兩廣奏議十六卷 吳桂芳撰

見千頃堂書目

總督兩廣奏議十二卷 凌雲翼撰

見同上

粵西疏藁三卷 吳文華撰

見四庫全書目

以上督撫駐節蒼梧時著

子集

小說家者流比之街談巷議無論已士君子著作等身達則卷阿矢音窮或窮愁發憤莫不自以爲金匱遺編名山盛業乃不百年而終歸澌滅蓋傳書若是之難也唐人謂歷代文章與時高下然立言究居不朽之三因得次其論撰並垂於後

牟子理惑 牟融著

見粵西文載并新唐書

自序曰靈帝崩天下擾亂獨交州差安北方異人咸來茲土多爲神仙辟穀長生之術時人多有學者牟子常

蒼梧縣志

卷之十三

藝文志

子集

三

以五經難之道家術士莫敢對是時牟子將母避世交趾年二十六歸蒼梧娶妻太守聞其守學謁請署吏牟子見世亂無仕宦意竟不就州牧辟之復稱疾不起牧弟豫章大守爲中郎將牟融所殺乃請牟子曰弟爲逆賊所害骨肉之痛憤發肝心當遣劉都尉行恐外界疑難行人不通君文武兼備有專對才今欲相屈之零陵桂陽假途於通路何如牟子曰被秣服櫪見遇日久烈士忘身期必騁效遂嚴當發會其母卒亡不果行久之嘆曰老子絕聖棄智修身保其真萬物不干其志天下不易其樂故可貴也於是銳志於佛道兼研老子五千

文含元妙爲酒漿翫五經爲琴簧遂乘筆墨餘閒畧引
聖賢雅言證解之名曰牟子理惑云文載

案是書不見於史志及諸家著錄自序一篇詞指凡

淺決非東漢人所爲江氏收入文載今姑錄之通志

牟子二卷新唐書藝文志 又注牟子名融

士燮集五卷 士燮撰

見唐書藝文志

東湖吟藁 吳廷舉撰

見廣西通志

吳清惠公集凡五帙卷如其帙之數奏議三之吟藁二

蒼梧縣志 卷之十三 藝文志 子集 三

之其先爲太宰元洲張公開府蒼梧時所梓行而其後
不戒於火分守勾餘胡公復序而梓之距今四十年而
板復燬矣不佞瞻至梧購求不得大懼亡佚使後之慕
公而考見行事者以不得讀其遺書爲恨於是屬蒼梧
令區龍禎氏遍索乃得之而以授梧守陳君鑑刻焉刻
成宜有序畧曰凡士之自立必有能使天下共知而信
之而後可有爲於天下然蓋難矣衾影自盟之真旣不
可昭揭於耳目而豪傑獨知之契又不可嚮望於眾人
聞其言或疑其行見其行或疑其心自古患此者多矣
豈其自立有未至者乎公之自立較然不欺雖於時有

仲有不伸當世之士夫有合有不合然至於論剛正忠直初終一節則雖忌者之口謗者之心不能異也公詩文具在安知奮乎百世之上百世之下莫不興起頑廉懦立不在茲集也哉

節錄陳邦瞻原序
道光辛丑邑人黎映桐重梓

靜觀錄 楊喬著

學道堂藁 楊喬撰

見粵西文載

楊喬蒼梧人正德丁卯舉人衡陽知縣著有靜觀錄學道堂藁為吳廷舉所賞

文載

蒲谷日纂 黎良著

蒼梧縣志 卷之十三

藝文志 子集

古

見梧州府志

黎良字以時邑人登正德庚午賢書著有蒲谷日纂

舊志

靜觀錄 馮承芳著

桂山吟稿 馮承芳撰

見廣西通志

馮承芳字子立號桂山嘉靖癸未進士學問博洽著有

靜觀錄桂山吟稿

舊志

欽山筆籟 關為寅撰

見府志

關為寅字欽山邑人康熙庚午舉人著欽山筆籟一卷

府志

天文雜誌 李世瑞著

李非凡文集 李世瑞撰

集驗醫案 李世瑞纂

見通志

璞齋吟稿 曾熹撰

見府志

玉照堂詩鈔 鄧建英撰

見嶠西詩鈔

錢楷序余與方輶別忽忽六七年矣雖書問往來終不

蒼梧縣志

卷之十三

藝文志

子集

五

若前在桂林時相與唱酬之樂也去冬方輶將北上搜
尋其自童子時至近歲所作除水蟻傷殘暨散失外共
詩若干首編爲一集以所居堂名之曰玉照堂詩鈔而
以余舊序弁其首意欲屬余再爲校定適余奉 命

有事三晉既還始受而讀之非但續集進而愈上而前
所序之存餘初稿更手自刪訂未合作者去之遺逸復
出者補之裁擇精嚴合己未以後丁卯以前統觀之真
所謂漢魏唐宋無格不備無美不收矣其次者亦擷元
人之精華而洗其卑靡予之欣慰爲何如哉回憶庚申
秋方輶以桂林山石歌暨到省諸近作示余并呈謝蘊

山中丞相與激賞再三中丞因嘆今天下作詩者多而
真能作詩者少不意嶺外乃有此人也惜此集蘊山中
丞不及見爾聞方輒卽赴并門需次匆匆不能細爲評
點因再識數語於簡端舊序不錄可也從此有加無已
一官一集余他日尙欲爲方輒讀之惟求如往時酬唱
之樂良不可得矣則此序卽以爲悵別之辭也可

原序

晉中吟

鄧建英著

見嶠西詩鈔

盛惇崇序畧鄧君方輒粵西蒼梧人也詩才亮拔自其
少時有所述作已能驚其長老迨後往來京輦與一時

蒼梧縣志

卷之十三

藝文志

子集

六

賢俊遊足跡所至好窮山水奇勝故其爲詩益復宏肆
洋洋灑灑存至千餘首壬申夏日余朝覲出都還經三
晉方輒以縣令需次出詩相示披誦之餘吟賞不置蓋
具建安之風骨擅西江之奇勁而又不流爲明人之剽
竊模擬是真修辭立意直入古人之堂奧者矣爰書所
見志諸簡端余老矣簿書鞅掌不能鏤心刻骨以繼方
輒後塵然老馬識途不無所見方輒旣屬校定其集或
亦取其鄙論也歟

原序

咀道齋詩

鍾琳著

入三管英靈集

字學便覽 鍾琳著

梓行

鍾琳字四雅邑長行鄉人領嘉慶丁卯鄉薦司鐸靈川道光辛巳舉孝廉方正加六品銜官直隸行唐令服官清苦署昌平州有政聲公餘著咀道齋詩集字學便覽

采訪

綠蔭堂詩集 覃朝選著

入三管英靈集及嶠西詩鈔

梓行

覃朝選邑長行鄉廩生家貧力學詩筆清新不事雕琢

蒼梧縣志

卷之十三

藝文志

子集

七

采訪

仰古堂詩集 覃朝年著

入三管英靈集

朝選弟為邑名諸生工咏吟

采訪

蒼梧野人詩 馮志超著

入三管英靈集

開新河策 馮志超著

端硯圖說 同上

已梓

馮志超字班甫戎墟人癸酉拔貢留京師中已卯北闈

舉人在京需次十年與名卿鉅公遊恆多唱和選廣文時適丁外艱歸遂無意仕進自號蒼梧野人著詩集若干卷晚入東撫祁竹軒幕上開新河策當路躋之過端州矜峽取石作端硯圖說

采訪

養素堂稿 李守暉著

未梓

李守暉字會年號曉岳邑之平樂鄉人道光壬午舉於鄉兩上春官不第尋以親老不復赴公車非完糧不至城市弱冠工時藝試輒高等詩則其晚年所作也自序曰凡事素焉而已君子素位而行富貴貧賤皆聽之所

蒼梧縣志

卷之十三

藝文志

子集

六

以自養也吾之詩隨吾所處言吾心中所欲言猶素位耳涵之泳之隨筆所至不事藻飾則又通於素以爲絢之素矣吾舊顏吾堂曰養素今卽以自題吾詩曰養素堂稿

采訪

龍溪詩文集 羅澣著

澣字龍溪嘉慶丙子副車學邃品方工篆隸詩文著有

龍溪詩文集

未梓

晴川詩文集 陳遠華著

遠華恩貢生博雅工書著有晴川詩文集

未梓

望仙山人詩文集 孔廣詒著

廣詒廩生居喪廬墓哀毀卒著有望仙山人詩文集未梓

挹蘇樓集 施彰文著

同人詩鈔女士詩鈔 施彰文輯

彰文號香海本城貢生成豐七年殉難

以上本邑人著錄

和聲集 張可蘭輯

見天一閣書目

馮承芳序云和聲集集吾廣副總戎可蘭張公與諸搢紳聯句詩也可蘭卒十有九年宗弟可竹都閩一日得

蒼梧縣志

卷之十三

藝文志

子集

九

其舊本於蒼梧故尙書東湖吳公家蠹殘幾不可讀乃喟然曰是吾先兄遺文也詎可使之泯沒耶亟圖翻刻以永其傳既成以序見屬余曰可蘭昔爲武臣而以能詩聞當時名流前後序跋亦旣詳矣可無贅也但其風情近古質任自然彷彿乎三百篇之遺旨有足嘉者何也詩者心之樂也心和則氣和氣和則天地之和應之古者羣臣和於朝萬物和於野凡以此耳封建廢而兵農分周官微而文武闕天下之事不協於一成於是同而敗於自異者往往見之又何有於同聲相應同氣相求者乎世道日非可勝道哉今觀是集名氏凡三十九

人詩僅四十餘篇其閒或同事於疆場或萍合於杯酒或定朋友之交或敘鄉曲之好言斯宜句斯聯藹然温厚和平而無怒鄰罵座之語一時文武相與之善猶可想見於目前豈非治世之遺音歟故曰詩可以觀考見得失讀是詩者不可以尋常而少之也

通志

釋名十七篇 劉熙著

論法三卷 劉熙著

見唐書藝文志

劉熙北海人避亂交阯往來蒼梧閒作釋名一十七篇

論法三卷

舊志

唐書藝文志劉熙釋名八卷

蒼梧縣志

卷之十三

藝文志

子集

子

詩文私載

薛綜著

五宗圖

同上

二京解

同上

見舊邑志

薛綜沛邑人從劉熙學所著有詩文名私載又定五宗

圖述二京解皆傳於世

舊志

老子注 虞翻著

見唐書藝文志

新言二十篇

顧潭著

見文載

顧潭吳郡人徙居交州發憤著新言二十篇其知難篇
蓋自道也舊志

復古要道三篇 陳執中上

見府志

宋陳執中知梧州上復古要道三篇真宗異而召之本傳

先賢傳 歐大任撰

見明史藝文志

四庫全書提要明歐大任家於南越蒐輯百越先賢斷
自東漢得一百二十人各為之傳其養奮鄧盛傳多殘
缺通志

蒼梧縣志 卷之十三 藝文志 子集 三

府江道路考 郭棐撰

見千頃堂書目

黃虞稷曰萬曆丙戌年為憲使集通志

棲鳳集 程文德著

見叢載

程文德以翰林謫信宜典史郡守聘掌傳經書院作棲
鳳臺於總府會政廳舊地題詩曰蒼梧自合棲丹鳳凡
鳥何緣亦此來回首五雲天正北校書會上鳳凰臺著

詩文集二卷

一 朶山房集 傅潢著

梓行

貴筑傅漢字松眉以名進士令蒼梧所作詩古文辭詞必已出同官勸令受梓名其集曰一朶山房一時為之紙貴采訪

經畚穠蓼集 周誌勳著

藏稿

周誌勳字芸臺湖南長沙拔貢工詩文善書嘉慶間郡守定育聘掌傳經書院啟迪後進督課有方撰經畚穠蓼集詩文凡四卷采訪

鑑波集 閻其淵著

蒼梧縣志

藝文志 子集

三

藏稿

閻鑑波名其淵六安州名士少工時藝子善慶道光初官蒼梧來就養郡守聘掌傳經書院著詩集五卷俱同上以上各官及遷客著

附金石

漢伏波銅鼓在舊總府

舊府中有伏波將軍所鑄銅鼓其一尚存不似今製深三尺許面徑可三尺五寸旁圍漸縮如腰形復微展而稍弇其口體絕薄純綠色紋甚精古面環繞鼉龜十數昂首欲跳中受擊處平厚如鏡近有斷裂痕擊之聲不

甚發聞一完好者爲稅監獻之內庭所懸木架尙存堂之左右有銅鑄數柄倒於地而製亦精必非近時物矣制府廳事亦有銅鼓兩架徑之小減半而製作色質無異出入遙見之欸識之同異不待就而辨焉

魏濟西事

嶺表錄異唐時有牧童聞田中蛤鳴往捕之跳入深穴乃蠻首塚掘之得銅鼓其旁多鑄鼃龜之狀正與今總府所見者合當時原有此體製今銅鼓兩粵滇黔皆有之或以爲諸葛武侯者不必盡然也

同上

銅鼓昔爲馬伏波征蠻物

見宦績馬援傳注

以山溪易雨因製

之一懸之梧州鎮府左廊昔沉潭中聲震十里人言其

蒼梧縣志

卷之十三

藝文志

附金石

三

爲崇鼓出遂無怒波舟賴以無險

張穆異聞錄

伏波銅鼓東粵則懸於南海神廟西粵則懸於制府廳事東粵二鼓高厚倍之雌雄互應夷俗賽神宴客時時擊之重貲求購多至千牛小過半者諸葛鼓也價差別矣

赤雅

明成化閒總督韓雍置於軍門出入擊之

通志

總府舊有銅鼓數十面梧俗呼爲蝦蟇鼓

舊志

按范成大桂海虞衡志銅鼓古蠻人所用南邊土中時有掘得者相傳爲馬伏波所遺其製如坐墩而空其中滿鼓皆細花紋極工緻四角有小蟾蜍兩人昇行以手拊之聲全似鞞鼓今制府已廢故物無復存矣

又按周去非嶺外代笞廣西土中銅鼓耕者屢得之其製正圓平面曲腰狀若烘籃又類宣座面有五蟾分據其上蟾皆累蹲一大一小相負也周圍欵識其圓紋爲古錢方紋爲織篔或爲人形或如琰璧或尖如浮圖如玉林或斜如豕牙如鹿耳水以其環成章合其眾紋大類細書圓陣之形工巧微密可以玩好大者濶七尺小者三尺所在神祠佛寺有之州縣用以爲更黠交趾嘗私買以歸復埋於山不知其何義也或謂鑄在西京以前此雖非三代物謂鑄當三代時可亦有極小方二尺許尤可愛玩

蒼梧縣志

卷之十三

藝文志

附金石

十四

附藤鼓

兩廣總督韓雍征大藤峽峽有藤能爲妖晝伏夜則浮以渡賊於是先斬藤藤爲流血事平截以爲鼓者三總制總鎮總兵各一後三總府俱廢其一尙存庶下風雨不壞搏之猶辛氣逼人異聞錄今移置江干關帝廟中府志

晉莫龍編侯墓甄

文曰永和六年大歲庚戌莫龍編侯之墓

八分書陽文以營造尺度

之每字徑一寸許十

四字共長一尺許此甄乾隆間始見於縣屬多賢鄉

鳳凰山

據通志載乾隆庚子山陷見隧道如狹巷居民循之入道盡得堂堂有石案置銅鏡一銅器一

器類盥漱者平列三門甄封之每甄皆有字其文如此字在甄側知爲古塚遽掩之鏡與器皆爲人得甄有流

傳道光間廣東臬使李公璋煜得此甄遣官修墓尋至

鳳凰已榛莽不辨穴土見甄得據始成墓時有封川呂

竹溪祖海獲甄一因亂埋之竈下李廉訪誤為士燮墓廣東通志載封川舊

亦廣信境故遣封川教官來所營墓面新甄全煨莫字為莫字餘十三字則同咸豐賊擾新甄盡失同治

癸酉有楊海琴觀察翰來蒼梧搜訪古蹟不遺餘力屬

陳象九孝廉瀛藻窮一晝夜至竹溪居址掘得携以去

其甄已斷文從年字起僅存十一字按漢晉皆有永和年號庚戌則東晉

穆帝六年也其時士燮已歿百餘年之久應為另一龍編侯通志考得晉義熙七年杜慧度亦以交阯刺史侯

龍編子宏文襲爵引為不僮士燮侯龍編之證惟莫龍編侯名字事蹟史無可考獨賴此甄存留通志謂林邑

人范文攻交阯推測疑是緣此戰功得侯近有會稽趙益甫補寰宇訪碑錄亦載此甄為陽湖呂氏藏文相符

蒼梧縣志 卷之十三 藝文志 附金石 三

唐元結冰泉銘

大曆三年容州經畧使元結撰

蒼梧郡城東有泉出焉在郭中清而甘寒若冰在盛暑

之侯蒼梧之人得救暍泉與火山相對故命之曰冰泉

以變舊俗銘曰火山無火冰泉無冰惟彼泉源甘寒可

徵鑄金磨石篆刻此銘置之泉上彰厥後生通志引寰宇記

初唐大曆閒經畧使元公過泉上作冰泉銘貞元十年

監察御史章武重修紹興中州守任通直贛石勒為雙

井碑至銘之剝裂字猶存十之七八郡人趙善郢立之

元廉訪僉事段某又重立之天順六年王師有事南徼

師旋駐蒼梧維時盛與前軍都督僉事顏侯彪得是井於蒼莽中重浚之其旁復得斷碑一角可辨識才數字元公官位名字獨存

葉盛記

南漢感報寺銅鐘今在大雄寺水月閣

文曰維大漢乾和十六年太歲戊午閏六月庚辰朔十六日乙未弟子萬華宮使桂州管內招討使特進行內侍上柱國吳懷恩鑄造鴻鐘一口重五百觔置於梧州雲蓋山感報寺永充供養上資當今皇帝龍圖永固聖壽萬春謹記

凡八十七字

鐘在蒼梧縣光孝寺

今名大雄高三尺

口徑一尺七寸

通志

蒼梧縣志

卷之十三

藝文志

附金石

三

案十國春秋吳懷恩番禺人內常侍中宗卽位進開府儀同三司乾和中爲西北面招討使將兵擊楚拔賀州陷昭州盡得蒙桂宜連梧巖富昭柳象龔十一州之地蓋當時稱善戰云鐘所載懷恩銜十國春秋皆不之及又乾和十六年爲周世宗顯德五年考薛史及通鑑是年閏七月此云閏六月是南漢不奉正朔之證

通志

宋戒石碑在府儀門左

碑在府治左宋黃庭堅書

舊志

篆額太宗皇帝御製

篆書徑三寸

文曰爾俸爾祿民膏民脂下民易虐上天難欺

真書徑三寸許

近得黃庭堅所書太宗皇帝御製戒石碑恭味旨意是使民於今不厭宋德也因思朕異時所歷郡縣其戒石多置欄檻植以草花爲守爲令者鮮有知戒石之所謂也可合摹勒庭堅所書頒降天下非惟刻諸庭石且令置之座右爲晨夕之念豈日小補之哉

行書徑寸許

右宋高宗論

臣等口惟太祖皇帝武定天下而太宗皇帝文以撫之是時五代之遺民赤子新去湯火哀矜擾綏寄在守令乃發大訓垂諸庭石如雲漢在天爲光昭回其施在下則爲露爲雨民涵斯澤豈其有極而吏更歲久口口知

蒼梧縣志

卷之十三

藝文志

附金石

七

誦斯文矣皇帝撥亂愛民規撫祖宗乃六月癸巳詔以黃庭堅所書刻賜天下使日見而知戒焉嗚呼盛德大業之本豈特讀此觀政口而太息哉臣等材駑不口口口口口口口口口口萬分而知贊且勵蓋不獨郡邑之吏口然於茲賜也謹昧死書於左方

紹興三年七月癸酉端明殿學士朝散大夫簽書樞密院事權參知政事臣權邦彥

左通議大夫參知政

事福建江南西路荆湖南北路宣撫使臣孟庾

左

通奉大夫守尙書右僕射同中書門下平章事兼知樞密院事臣秦口

特進尙書右僕射同中書門下平

章事兼知樞密院事兼督江淮荆浙諸軍事臣呂頤浩

謹題

真書徑五分

爾俸爾祿民膏民脂下民易虐上天難欺太宗皇帝書此以賜郡國立於廳事之南謂之戒石銘按成都人景煥有野人閒話一書乾德三年所作其首篇頒令箴載蜀王孟昶爲文頒諸邑云朕念赤子旰食宵衣言之令長撫養惠綏政存三異道在七絲驅鷄爲理留犢爲規寬猛得所風俗可移無令侵削無使瘡痍下民易虐上天難欺賦輿是切軍國是資朕之賞罰固不踰時爾俸爾祿民膏民脂爲民父母莫不仁慈勉爾爲戒體朕深

蒼梧縣志

卷之十三

藝文志

附金石

三

思凡二十四句昶區區愛民之心在五季諸僭偽之君爲可稱也但語言皆不工唯經表出者詞簡理盡遂成王言蓋詩家所謂奪胎換骨法也

容齋續筆

碑在梧州府廨一石分上下四層第一層篆額二層銘詞三層高宗諭四層權邦彥等跋叢載云戒石銘在橫州甬道金志云舊覆以亭明嘉靖癸巳知州曹儲撤亭移置座右今橫無此碑而梧有之字畫完好疑爲翻刻然筆勢猶髣髴未失真也

通志

按舊志黃庭堅傳過梧爲郡守書戒石碑今觀此乃知爲宋高宗時頒賜而獨梧有之數百年來先朝舊

物巋然獨存尤足珍愛也

紫溪碑在舊鹽道署儀門巡道蘇濬建

文曰天下事凡我所當爲者今日當盡今日之事無俟
明日明日當盡明日之事無俟後日天下事非我所得
爲者今日不知明日之事姑俟明日明日不知後日之
事姑俟後日

大壽字碑在冰井寺

文似篆非篆

韓雍跋云上紅點爲日下紅點爲月三點白爲星日月
五星爲七政上作天中作地口作人天地人爲三才上

蒼梧縣志

卷之十三

藝文志

附金石

三九

半作金中作木寸作水移日配口亦作火工亦作土金
木水火土爲五行太極生兩儀生四象生八卦天亦作
永地亦作世工亦作公下亦作侯名永世公侯日亦作
福月亦作祿本身是壽三白點爲星爲福祿壽三星拱
照永享無疆

碑覆以亭相傳爲呂仙洞賓所書或云自南嶽摹來鐫

石於此

舊志

明總府開設碑在鳳凰臺

題云成化六年總督韓雍記

文詳載公解總府下

總府題名碑在鳳凰臺

題曰正德五年狀元倫文敘題尙書湛若水跋

總府者三府同寅協恭之地也書稱三后協心易稱二人同心同心之言其臭如蘭故總府之設凡欲以協同也府創於總督韓公永熙總鎮陳公總兵陳公贊成之府題名肇於今總府竹田林公舜舉總鎮潘公世貞總兵郭公世臣贊成之自陳公迄潘公總鎮者凡七公自陳公迄郭公總兵者亦七公自韓公迄林公總督者凡十有五於是乎總府始有題名記而缺典肇修蓋公於撫綏之餘海隅平定之後尤欲以繼往績而示來世其有功斯府大矣若水適以安南之使道過蒼梧見夫三公者禮遇甚勤閒嘗道三府之事潘公曰予豈有事哉余惟以靜以鎮余應曰然林公曰予職無所弗督督責在余予應曰然郭公曰余惟戎事是總其敢弗虔余應曰然若三公者其有不協同者乎然而自三公而上等而辨之其然與否者可知矣雖或繼三公者其然與否又可類而知矣是故後之觀題名者曰某也然某也否某也賢某也不賢某也協以成功某也乖以僨事其

蒼梧縣志

卷之十三

藝文志

附金石

三

將起敬起畏是效是懲勿使後之人復議我也林公遂俾余跋於下方

梧州府題名碑在德政門樓

梁景行記名可有也亦可無也實之有無有稱有不稱也古者選士或命於天子之庭或試於諸侯之國名登仕籍賢不肖未別也九載式敘明彰黜陟賢不肖殊途而名實定矣今之士大夫登名於省於部於廷至於爲省爲郡爲邑則無常籍雖有三載式敘之法金珠脯醢法律詩書其不混淆者幾希顧名籍常存則人得以考其實不公於一人必公於眾口不公於當時必公於後世賢者欲存之不肖者欲去之故曰名可有也亦可無也梧守三衢周子文學政事迥邁常流洩郡四年百廢先飭以餘力及府事撤黃堂而易弊闢皋門而爲坊因時就功民不知有役同府汪君判府袁君李君推府陳君皆一時之俊協共居多既迺稽古牒悉取命名官名氏循歲月先後纂書而碑之使人得由名籍以考其實而缺典用舉也噫彼若人其副厥名而實無不稱者夫其將不畏人之指議者夫

君子亭百字碑在北門外

明蘇濬撰見粵西文載

文曰梧故有百花亭第圯弗治曩所稱芳菲處胥鞠爲
荆榛矣郡大夫新之參知公約余輩同遊但見滿沼芙
蕖星懸電發輕颺時至芬馨欲上人衣也因命取荷鬚
佐酒盛以碧筒杯各引滿而醉參知曰是可亭遂鳩工
爲亭三面臨流羣芳並侍名之曰君子亭云

閱武場碑在古較場

文見兵防志較場下

冲霄山碑在火山之陰劉以貴撰刻石

蒼梧縣志

卷之十三

藝文志

附金石

三

文見風土志冲霄山下

平府江大功碑在大南門外驛前今毀

原覆以亭

明張狝記維廣右崇山大谷透迤數千里蠻生其閒負
險易亂自秦以來教化所不能行恩信所不能結惟在
乎威之而已威之爲道小之則勦大之則征豈不存乎
其人哉諸蠻自蕩平古田之後稍事斂戢惟府江猺獞
當全省襟喉之會由正德已卯以迄於今幾六十年矣
其閒負固阻塞劫掠占據使一州五縣之內行旅官民
田糧府庫受害有不可勝言者雖仁人慈士猶且奮臂
况以豪傑之才總文武之寄者哉維時巡撫廣西副御
史蒲陽郭公某適膺其任公益憂民之深策事之熟者
會提督兩廣兵部侍郎兼僉都御史古欵殷公某當古
田勘定之餘有蕩平全粵之志乃各疏其狀於朝朝議
以爲稔惡不討無以固招徠者之心不如征之便而以
先後巡按御史李公某唐公某紀察之二公極留意地
方者命下之日公遂調計兵食發左右兩江卒凡六萬
人以兵備副使鄭公某分巡副使金公某僉事夏公某
爲監督官以右江參將王世科都司錢鳳翔王承恩原

任都指揮使董龍為統督官總理糧餉則以參政胡君某驗功次則以副使劉君某至於總統一切軍事又皆屬之總兵官李君某於是分布既定謀猷載同諸君罔不矢心戮力驅馳乎師旅之間兵進於隆慶六年之冬止於萬曆元年之春正月賊來迎戰者隨戈而倒各退保堅巢即分兵攻之戰愈力賊各隨崖而下無不克者凡斬首五千級俘獲數萬頭招降者不計其數何其偉哉報至天子嘉之恩賚各有優渥公又以大征甫畢善後宜圖爰酌六事上之六事者復土司設專將通水陸承恩終其事至今三洞兩岸之間謐然稱治平之境矣嗟乎一府江也未征之前商旅日阻州縣日危田糧日損兵費日繁既征之後阻者達矣危者安矣損者增矣繁者減矣何旬日之間而先後頓異如此耶譬之居室然千金之家久而不治日為風雨侵愈支愈敗矣善居室者不以一勞為憚即其敝而新之有不煥然改觀者乎是故因循遷就者養亂之原也任事憂民者地方之利也故曰存乎其人而已某里人也抱桑梓之憂昔嘗鳴之闕下久矣乃客歲聞古田平今又府江平豈不大有歡快乎賄淮蔡之豐功乏昌黎之健筆爰效厥義用

蒼梧縣志

卷之十三

藝文志

附金石

三

附俚銘銘曰險彼府江蠻負為限幾六十年咽喉之患帝命方叔爰整其旅睠焉南顧施此時雨維此方叔王命是膺謀似泉點斷若雷聲乃秉天戈深入其穴電掃烟消霜飛塵絕我猺我民我洞我溪何以善之屯田便宜膚功既奏帝曰孔嘉恩賚有渥光於邦家父老曰嘻覩此洪造願言根除百年是保

平北三大功碑在總府會政廳前今毀

一磨厓懷遠一刻石於總府見叢載

明張紳記廣西之寇在桂林蒼梧則有古田府江為最在柳慶之間則有懷遠諸賊先是都御史巡撫殷公暨華溪郭公次第平之矣唯北三八寨至今未平瘡痍未起加以蠻性變詐巢穴險阻當事者慎重之也萬曆五年小江吳公適開府廣右訐謗勝算武緯文經乃檄地方諸執事者曰惟廣右僻在南疆猺蠻為害梗化久矣其議所宜先加兵者執事議曰今之寇莫憂於八寨北三其入寨業已招撫徐觀其後而北三者則跳梁已極具立赤幟於諸蠻之間使北三不懲則諸蠻不懾則入寨之撫不堅宜先加兵無愈於此者矣吳公曰善會柳慶守巡各以遷職去公遂檄永寧兵憲吳君善束經畧其事焉吳君行公戒之曰兵貴潛機使敵莫

測近而示之遠者法也君其先聲指晞咳河池乎吳君
日敬聞命矣公遂徵兵於各土州司會守巡該道陳君
俊尹君校各次第抵任三君素沉機諸練加以受成於
公而又合謀於吳君其猷益壯矣乃以右江參將倪君
中化統柳慶諸兵而遷來三哨則屬之永寧參將王君
瑞焉兵果先從便道故為聲影於河池晞咳之間賊不
之疑也不數日則兵趨北三諸賊以為從天而降已不
及掩耳兵進凡三十日克破巢寨一百有奇斬擒四千
八百名顆而俘獲賊屬視擒斬倍之牛馬器械視俘獲
又倍之自廣右用兵以來神速稱快未之有也公又疆
理土州分兵屯種益為善後計凡八寨以南河池以西
靡不聯絡待命恐恐焉不保旦暮豈有縱橫出沒如昔
者態耶績上上嘉之晉公大司徒郡中鄉大夫及父老
子弟各置酒為地方慶且詣守巡使君請記使君轉以
屬僕嗟乎狎胡能為公記耶昔石汀殷公平古田僕書
於桂林華溪郭公平府江僕書於蒼梧其間頌二公之
功者尚浮於僕之文是其文不足而其功常有餘也况
公之北三又事倍於古田府江而他日頌公之功者豈
不益浮於桂林蒼梧耶卉服椎髻鳥語狼心不示其威
則不憚也平禍定亂昭德重信不假諸勒則不傳也南

蒼梧縣志

卷之十三

藝文志

附金石

三

學使德政碑在府學明倫堂頭門外

題曰

欽差提督廣西通省學政按察使司僉事加三級徐大宗師

公明德政碑

公諱樹屏字敬思號省菴江南崑山縣人壬辰科進士

康熙六十年歲次辛丑梧州府屬舉貢生童公立

銅寶

創始無考在東城牆下洩茶山大澤之水其一或云在

城南今俱廢

舊志參采訪

銅壺滴漏

在德政門樓上

通志

為屋三楹以儲

見譙樓記

華表石

在府學前濱江上半為火毀

舊志

響石獅

在冰井寺前扣之有聲

舊志

石鼓

在城內石鼓街徑二尺許質純白旁有細紋扣之有聲

采訪

蒼梧縣志

卷之十三

藝文志

附金石

雷

石鏡

在城北邀月巖高二尺許以水拭之可照見隔江人物

今為好事竊去

舊志

挂榜山題字

真書徑四寸許

石刻虎榜二字在城北二里許府江東北岸挂榜山畔

石壁上無年月款識

采訪

